



UNIVERSITÄTS-  
BIBLIOTHEK  
PADERBORN

**Regula Sancti Patris Benedicti**

**Benedikt <Montecassino, Abt, Heiliger>**

**Moguntiae, 1604**

XXV. De Grauioribus culpis.

---

[urn:nbn:de:hbz:466:1-64533](#)

lectionem recitet, usque ad satisfactionem. Refectionem autem cibi, post Fratrum refractionem accipiat, mensura vel hora qua praeuiderit Abbas ei competere: Ut si. verbi gratia, Fratres reficiunt Sexta hora, ille Frater Nonus: si Fratres Nona, Ille Vesperiina, usque dum satisfactione congrua veniam consequatur.

*De grauioribus culpis.* C A P. XXV.

*Cer. 5.*

IS Frater qui grauioris culpa noxa tenetur, suspendatur a mensa simul & ab Oratorio. Nullus ei Fratrum in ullo iungatur consortio, neque in colloquio. Solus sit ad opus sibi iniunctum, persistens in pœnitentiæ luctu, sciens illam terribilem Apostoli sententiam dicentis, traditum huiusmodi hominem Satanem in interitum carnis, ut spiritus saluus sit in die Domini. Cibi autem refectionem solus percipiatur, mensura vel hora qua praeuiderit ei Abbas competere. Nec a quoquam benedicatur transcunte, nec cibus qui ei datur.

I ( Q VI G R A V I O R I S C U L P A E N O X A T E N E T V R . ) Quia in huius Declaratorij, & etiam Ordinationem Capituli Generalis celebrandi plerisque locis & casibus pro qualitate, & grauitate culparum certæ pœna seu pœnitentiæ taxatae sunt, pro pace bonorum, & ad reprimendam improborum & temerariorum audaciam: & quia iustum est, ut metus pœnae coercent, quos Dei metus & virtutis amor a malo non reuocat: volumus ac præcipimus

cipimus omnino & inuiolabiliter à transgressoribus obseruari.

2. Quare si delictum, aut transgressio huiusmodi secreta fuerit, secretò quoque taxatam pœnitentię facere non postponat, nec aliter à quoquam; etiam à Prelato proprio dispensari valeat: nisi pœnitentiā per Ordinationes statuta esset publicè peragenda: ut putā in terra in Refectorio comedere, quo casu in aliam secretam commutari posīt. Si verò manifestum delictum, aut transgressio ipsa fuerit, publicè etiam, secundum taxatam pœnitentiam pœniteat. Quod si facere neglexerit aut recusauerit, à nemine ut supra dispensari valeat. Et si intra triduum publicè non pœnituerit, pro huiusmodi contemptu, bis eandem pœnitentiam facere tencatur. Si verò intra aliud sequens triduum protervè, & pertinaciter distulerit: eandem pœnitentiam etiam tertio cogatur iterare. Demum si aliis adhuc tribus diebus animo, ( quod Deus auertat ) persisterit contumaci & indurato: statim tanquam incorrigibilis , rebellis, & obstinatus, ac contemptor Sancte Regula, & Ordinationum Capituli Generalis, custodiæ donec resipuerit & prædictam pœnitentiam toties facere promiserit, quoties ut supra distulerat vel recusa- uerat, mancipetur.

3. Nec in aliquo præmissorum à Prelato suo , nec ab aliquo alio , etiam Præsidente ipso , nisi forte in aliqua breui prædictorum terminorum , dilationis mora: Et hoc ex aliquarationabili causa valeat dispendari. Maiori quippe vindictæ ( secundum quod dicit Beatus Pater Benedictus in Regula ) subiacere debet, qui nō vult humilitate corrigere, quod negligentiæ culpa deliquit.

Cap. 45.

D 5 4. Quod

4. Quod si nec sic resipuerit, nec ad cor redierit, tunc demum, quod Regula præscribit fiat, quæ præcipit, ut huiusmodi corporali vindictæ subiaceat, ut infra patebit.

5. Igitur Generale Capitulum, & Congregationis Regimen, Monasteriorum quoque nostrorum Prælati, prædicta omnia seruent diligenter, & ut dictum est, procurent ab huiusmodi transgressoribus inuolabiliter obseruari.

6. Quoniam autem ubi maius ex culpa periculum imminet, ibi quoque maior adhiberi debet cura, ne subintret: Ideo maxime inuigilare debent Prælati, & ceterique Superiores, in ijs qua ad fidem Catholicae integrè, inuiolabiliterque seruandam pertinet. Animaduertant igitur, an in suis Monasterijs ullus sit prauis opinionibus imbutus, vel eo nomine suspectus, omnesque moneant Monachos, ut si quem nouerint aliquid dixisse, aut fecisse, ob quod in suspicionem probabilem talis delicti venerit, ad se statim deferant, aut ad Præsidentem, vel ad Visitatores, aut si magis placet ad viciniorem Episcopum, vel Inquisitorem. Quod si ullo unquam tempore ad notitiam Superiorum peruererit, quempiam aliquos hoc modo suspectos nouisse, nec manifestare voluisse: contra eum tamquam fautorem, & de heresi suspectum procedatur.

7. Si verò aliquid huiusmodi Præsidenti, Visitatoriis, aut Prælati fuerit denuntiatum, ipsi statim delata, Romani Procuratori Generali fideliter mittant, Illusterrimus Cardinalibus Inquisitoribus exhibenda.